

## Sala de comunicación

### Actualidade

[Notas de prensa](#)

[Hemeroteca](#)

[Actualidade en imaxes](#)

[Actualidade en vídeos](#)

[Actualidade en sons](#)

### Videoteca

[Plans e actuacións](#)

[Consellos de Goberno](#)

[Conferencias e discursos do presidente](#)

# A Xunta reservará entre un 3 e 5 % de contratación pública aos centros especiais de emprego e empresas de inserción laboral

A conselleira de Traballo e Benestar, Beatriz Mato, mantivo hoxe en Santiago unha xuntanza co presidente e xunta directiva da Asociación Empresarial Galega de Centros Especiais de Emprego Sen Ánimo de Lucro (Cegasal)

Na reunión deuse a coñecer este acordo de todo o Goberno galego que será de carácter obrigatorio por Lei e para determinados contratos públicos

O cupo de contratación será para aquelas obras e servizos susceptibles de ser realizables por un centro especial de emprego ou empresa de inserción laboral como servizos de xardinería, artes gráficas, restauración ou labores de limpeza

Esta medida vai favorecer o mantemento e mesmo ampliación dos preto de 2.000 postos de traballo de persoas con discapacidade ou que pertencen a colectivos en risco de exclusión social

Traballo incrementou este ano nun 2 por cento o orzamento destinado a programas de emprego para persoas con discapacidade ata os 18 millóns

[Escotar](#)

[Volver](#)



Vídeo coas declaracións da conselleira de Traballo



A conselleira de Traballo e Benestar, Beatriz Mato, mantivo hoxe en Santiago unha xuntanza coa xunta directiva da Asociación Empresarial Galega de Centros Especiais de Emprego Sen Ánimo de Lucro (Cegasal) e o seu presidente, José Antonio Vázquez  
Autor: Conchi Paz

**Santiago, 3 de xullo de 2015.-** A Xunta implementará por primeira vez a reserva con carácter obrigatorio por Lei de entre un 3 e 5 por cento de contratos públicos aos centros especiais de emprego e empresas de inserción laboral. Este cupo de contratación será para aquelas obras e servizos susceptibles de ser realizables por un centro especial de emprego ou empresa de inserción laboral, tal e como o marco o artigo 26 da Lei de racionalización do sector público autonómico.

A conselleira de Traballo e Benestar, Beatriz Mato, mantivo hoxe en Santiago unha xuntanza coa xunta directiva da Asociación Empresarial Galega de Centros Especiais de Emprego Sen Ánimo de Lucro (Cegasal) e o seu presidente, José Antonio Vázquez, para comunicarlle este acordo de Goberno. A reserva, polo tanto, será para a contratación, entre outros, de obras e servizos de conservación e mantemento de bens inmoables; servizos de conserxaría, mensaxaría e correspondencia; servizos de xardinería e forestal; artes gráficas; labores de limpeza e lavandería; restauración; e fabricación de roupa de traballo.

Mato destacou que esta medida favorecerá o mantemento e mesmo ampliación dos preto de 2.000 postos de traballo de persoas con discapacidade e de persoas que pertencen a colectivos en risco de exclusión social que traballan nos máis de 120 centros especiais de emprego e empresas de inserción laboral de Galicia. Así mesmo, favorecerá a competitividade e produtividade deste tipo de empresas.

A titular de Benestar resaltou que o Goberno galego desenvolve esta iniciativa porque "estamos convencidos de que non hai outro instrumento tan poderoso para a inclusión como é o acceso a un posto de traballo e a súa permanencia no mesmo".

Neste senso, Mato apuntou que a Consellería só en 2015 incrementou nun 2 por cento o orzamento dos programas de emprego para as persoas con discapacidade ata preto dos 18 millóns de euros. Aproximadamente, a metade está destinado aos centros especiais de emprego e permite subvencionar o posto laboral dos 2.000 traballadores e traballadoras con discapacidade.

Por último, Mato referiuse ao orzamento global da discapacidade que se incrementou en 2015 por segundo ano consecutivo, alcanzando en global a cifra de 100 millóns de euros. Isto supón un crecemento de preto do 9 por cento nos dos últimos anos.

"Con este acordo, a Xunta volve dar un paso máis no seu obxectivo de acadar unha sociedade inclusiva, xa que o acceso ao emprego é un elemento decisivo para a integración destes colectivos na economía e na sociedade", rematou Mato.

Tema: [Traballo](#)

Departamento: [C. de Traballo e Benestar](#)

Compártao : [f](#) [t](#) [g+](#) [v](#) [d](#)

